

書叢小科百

老子與莊子

著 柱 陳

編主五雲王

行發館書印務商

書叢小科百

子莊與子老

著 柱 陳

編主五雲王

行發館書印務商

中華民國二十三年十月初版

(二一九七八)

百
科
小叢書
老子與莊子一冊

每冊定價大洋叁角

外埠酌加運費匯費

著 者 陳 柱

主 編 兼 王 雲 五
發 行 人 上 海 河 南 路

印 刷 所 商 務 印 書 館
上 海 河 南 路

發 行 所 商 務 印 書 館
上 海 及 各 埠

版 翻
權 印
所 必
有 究

老子與莊子

目錄

上篇 老子平傳

第一章 老子傳略……………一

一 老子之姓名及事略……………一

二 老子之環境……………六

第二章 老子之學說……………一

一 緒論……………一

二 道……………一

甲 道之本體……………一

乙 人事之道……………一四

三 德……………一九

甲 德……………一九

乙 玄德……………二二

四 無……………二三

甲 絕對之無……………二三

乙 對待之無……………二四

五 仁 義 聖 智……………二五

六 自然……………二七

七 無爲……………二九

八 樸……………三〇

九 母……………三一

十 天（帝附）	三二
十一 神	三四
十二 名	三四
十三 一	三五
十四 常	三六
十五 復	三七
十六 生死（身附）	三八
十七 柔弱	三九
十八 知	四一
十九 守	四二
二十 若（似如同）	四三
二十一 不自	四四

二十二	不爭（兵附）	四五
二十三	知足	四七
二十四	損有餘	四八
二十五	無欲	四八
二十六	怨	五〇
二十七	學	五一
二十八	教言	五二
二十九	玄同	五四
三十	三寶	五五
三十一	反	五五
第三章	老學之變遷	五八

下篇 莊子平傳

第一章 莊子傳略……………六三

第二章 莊子書之內容……………七八

第三章 莊子之學說……………八七

緒言……………八七

一 絕對自由……………八七

二 一切平等……………九四

三 養生之道……………一〇二

四 處世之道……………一〇六

五 不言之教……………一一一

六 不死之道……………一二三

七 無爲之治……………一二五

結論……………一二七

老子與莊子

第四章 莊子之文學

九

章

上篇 老子平傳

第一章 老子傳略

一 老子之姓名及事略

關於老子之記載，以史記老子列傳爲最古，而比較可信。茲先錄之如下：

老子者，楚苦縣厲鄉曲仁里人也，姓李氏，名耳，字伯陽，諡曰聃，周守藏室之史也。孔子適周，將問禮於老子。老子曰：子所言者，其人與骨，皆已朽矣，獨其言在耳。且君子得其時則駕，不得其時則蓬累而行。吾聞之良賈深藏若虛；君子盛德容貌若愚；去子之驕氣與多慾，態色與淫志，是皆無益於子之身。吾所以告子，若是而已。孔子去，謂弟子曰：鳥吾知其能飛，魚吾知其能游，獸吾知其能走，走者可以爲罔（通網），游者可以爲綸；飛者可以爲矰，至於龍，吾不知其乘風雲而上天。吾今日見老子，其猶龍邪？老子脩道德，其學以自隱無名爲務，居周久之，見周之衰，迺遂去。至關，關令尹喜

曰：「子將隱矣，彊爲我著書。」於是老子乃著書上下篇，言道德之意，五千餘言而去，莫知其所終。或曰：「老萊子，亦楚人也，著書十五篇，言道家之用，與孔子同時。」云。蓋老子百有六十餘歲，或言二百餘歲，以其脩道而獲壽也。自孔子之死後百二十九年，而史記周太史儋見秦獻公，曰：「始秦與周合而離，離五百歲而復合，合七十歲而霸土者出焉。」或曰：「儋卽老子。」或曰：「非也。」世莫知其然否。老子，隱君子也。老子之子名宗，宗爲魏滑，封於段干。宗子注，注子宮。宮玄孫假，假仕於孝文帝，而假之子解爲西膠王印太傅，因家於齊焉。世之學老子者，則緇儒學，儒學亦緇。老子，道不同不相爲謀，豈謂是邪？李耳無爲自化，清靜自正。

由此傳觀之，老子姓李，名耳，固甚堪，至於「字伯陽，諡曰聃」六字，恐是後人所增加。何以言之？唐司馬貞史記索隱云：

生而指李樹，因以爲姓。許慎云：「聃，耳邊也。」故名耳，字聃。今作字伯陽，非正也。然老子號伯陽父，此傳不稱。

索隱明說「老子號伯陽父」，此傳不稱，「則唐司馬貞時，史記老子列傳，尙無字伯陽之說，明甚。

故老子列傳「字伯陽諡曰聃」六字，當從王念孫校改作「字聃」，「伯陽諡曰」四字當刪去，無疑。至索隱謂生而指李樹，因以爲姓，亦是後人附會之說而已。

然老子既姓李，何以不稱爲李子，而稱爲老子乎？或者謂是因其老壽而字聃，故稱他爲老聃，由老聃而稱老子，其說固通。老子列傳言壽百有六十餘歲，或言二百餘歲，二百餘歲之壽，似乎太過，然亦非絕對不可有之事。若一百六十餘歲，雖非普通，亦非甚奇怪矣。至據列傳「莫知所終」一言，便說老子成仙，斯則荒唐之語，稍有識者所不信，亦不足辨矣。

以余觀之，六臣本文選，景福殿賦，善注，稱老聃爲李聃，疑李老雙聲。由李聃而老聃，又由老聃而稱老子。此外雖無其他證據，似亦近之。

或者又言：老聃即太史儋，斯亦古來傳說，故史記列傳云：「或曰：『儋即老子』，或曰：『非也。』世莫知其然否。」則是司馬遷作列傳時已不能決定。然列傳歷敘老子之子孫，老子之子孫，豈便數與忘祖，如此大名之祖宗，是聃是儋，爲一爲二，尙不能知，而司馬遷爲史官，豈難於一問，何以敘事猶疑如此？意時君好尙，有不便囑囑者，故以疑蓋之辭出之乎？

至清人畢沅，則據說文解字有聃字云，耳曼也，又有僂字云，垂耳也，南方僂耳之國，大荒北經呂
鑿瞻耳皆作耽，說文解字又有耽字，云耳大垂也，蓋三字聲義相同，故並借用之。吾以爲就聃僂之聲
義言之，固似可通。但史記列傳載太史儋見秦獻公之言，乃是一預言家，而著五千言之老聃，乃是一
反對預言之哲學家。何以明諸老子三十八章云：

前識者道之華而愚之始。

前識乃是預言家，自許爲能預知將來之事者，正太史儋之一流。老聃斥前識如此，其不當與僂
爲一人明甚。

又或者謂：孔子問禮之老子，與著五千言之老子是二人。如清人汪中是也。汪中以爲孔子問禮
之老子，爲熟知禮制者；著五千言之老子，爲反對禮制者。問禮之老子，爲周藏史；著五千言之老子，爲
隱君子。驟然觀之，汪中之言，似亦持之有故，言之成理。其實答孔子問禮，爲言禮之陳述；著道德五千
言，斥禮爲忠信之薄，是以禮與道德比較而立論。老子爲周守藏史，是未隱時事；爲隱君子，是罷官後
事。謂是一人，又何嘗矛盾乎？

或者又謂：老聃卽論語孔子所稱「述而不作，信而好古，竊比於我老彭」之老彭。主張此說者，是今人馬敘倫。其言云：

彭與聃證之音讀，自可通假。說文彭從豆，三聲，則聲歸侵類。然證之甲文，彭或作𠂔，則段玉裁刪其聲字，是也。豆邊之三，所以表示彭聲之彭彭，於聲類宜歸陽部。說文繫𠂔一字，春秋成十八年左傳，士魴，公羊傳作士彭，並可證也。聃聲談類，談陽之通，若國策「更羸虛發而鳥下」，偽列子湯問篇更作甘，而說文識重文作訖，詩桑柔膽相賊腸狂協音，並其證矣。然使彭如舊說，從豆三聲，則侵談相通，古亦有徵。少牢禮有司徹乃饔，古文饔作尋。儀禮士冠禮執以待於西坫，古文坫爲檐。周禮鐘氏以朱湛丹秫，注讀如漸車帷裳之漸，亦並其例矣。然則老子之字聃，而論語作彭者，弟子以其方言記之耳。

馬氏此說，吾前亦頗信之。今考老子書雖頗多稱古昔，然亦甚多反古之論，其哲理多屬創作，似與論語述而不作之說相反，則亦不宜只據字音之通轉，而謂老聃老彭之必爲一人也。

或又據其書中「偏將軍」「上將軍」等名稱，以爲老子不能與孔子同時，或今之老子書是

後人偽造。不知古書被後人妄加，或誤以注文入正文之例甚多，若以少數誤加之文句，便決定全書皆爲假造，則史記司馬相如傳贊，有引揚雄之言，亦可以言全部史記皆爲假造乎？唐宋以後之文集，爲後人誤收之文亦不少，亦可以言其全集皆爲假造乎？

至有謂古時本無老子其人，今所稱老子皆後人所偽造者。此日本人津田左吉之言，可謂誣罔之至。試問周秦諸子，如荀卿韓非等稱引老子者如許之多，豈彼輩皆無耳無目者乎？

老子之生卒年月，已無可考。然孔子之生年則尙可考，據各書記載，老子當爲孔子之前輩。史記孔子世家及老子列傳皆載孔子曾見老子。此事不載年月。清儒閻若璩禮記會子問有「孔子曰：昔吾從老聃助葬於巷黨，及垆，日有食之。」之言，推算昭公二十四年夏五月乙未朔巳時日食，入食限，遂斷定孔子適周見老子爲昭公二十四年，是時孔子年三十四。當公歷紀元前五一八年。假定老子比孔子老一二十歲，則老子之生，當在公歷前五三八與五二八年之間。其死之年亦未可考。假令如史記老子列傳所說壽一百六十餘歲，則當在公歷前三七八與三六八年之間。

二 老子之環境

老子生於春秋戰國之際，其所處之環境，讀詩經國語春秋左傳及國策皆可以知其大略。今以限於篇幅，未便稱引，只就老子五千言中求之，已可知其概矣。

一曰：戰爭。老子五千言中，反對戰爭之言語甚多，可見當時戰爭之烈。

(一) 以道佐人主者，不以兵強天下，其事好還。師之所處，荆棘生焉。大軍之後，必有凶年。
(三十章。)

(二) 夫佳兵者不祥之器，物或惡之，故有道者不處。(三十一章。)

(三) 善爲士者不武，善戰者不怒，善勝敵者不與，善用人者爲之下：是謂不爭之德，是謂用人之力。(六十八章。)

(四) 天之道不爭而善勝，不言而善應，不召而自來，繹然而善謀。(七十三章。)

凡學者立說，不外兩種：一適應當時之潮流，二反對當時之潮流。老子反對戰爭如此，則當時之苦於戰爭可知。

二曰：重稅。

老子與莊子

(一) 朝甚除，田甚蕪，倉甚虛，服文綵，帶利劍，厭飲食，財貨有餘，是謂盜竽。(五十二章)

(二) 民之飢，以其上食稅之多，是以飢。(七十五章)

觀此可見當時賦稅之重。雖民窮財盡，而政府之苛稅仍然加多，人民愈貧，而爲官之人愈富，故

老子有此等激烈之反對語言。

三曰：嚴刑。

(一) 天下多忌諱，而民彌貧……法令滋彰，盜賊多有。(五十七章)

(二) 民不畏死，奈何以死懼之？若使民常畏死，而爲奇者吾得執而殺之，孰敢？(七十四章)

(三) 民之難治，以其上之有爲，是以難治。(七十五章)

此可見當時之政府，多以嚴刑峻法，加於其民，彼既以死懼民，故老子以民不畏死告之。

四曰：文敝。周代尙文，其末也文勝。文勝之敝，使民舍本逐末。故老子亟反對之。

(一) 不尙賢，使民不爭；不貴難得之貨，使民不爲盜；不見可欲，使心不亂。是以聖人之治，虛

其心，實其腹，弱其志，強其骨，常使民無知無欲，使夫智者不敢爲也。(二章)